

Pa wa da wa...

Powiadło mama Jarkowi
Swymu starszemu synowi
Kup mi kapra na rynku
Nie stawuj se do szynku
Przed sklepem je raja ludzi
U kierek eszce kaprów nima
We wannie ani w laworze
A nadowajóm: To je zima

Po dwóch godzinach czakanio
Przijechnali kóniecznie
Uż se zdało, że na ty ryby
Bedymy czekać wiecznie
Z kadzie kapra do siciówki
Zbyło mu pore korón
Co mu wydali ze stówki
Tóż stawil se na czaj i rum

W putyczisku zakurzónym
Wisi kaper w siciówce
Na stołku, no a nasz Jarek
Przewraca półke po półce
Z kamratami debatuje
Przi piwu o robocie
Babach, sportu, polityce
A kaper tyn boroczek

Tropi, dusi sie w siciówce
Skrzela pelne nikotynu
Tyn co pić nie potrzebuje
Mie tu uschnąć niecho w dymu
Wywaluje smutne oczu
Swoje wargi szpuli do O
Tego co mie tu uwyndził
By za to wszecko mieli w ZOO
Zawrzyć miyndzy opicami
Bo tam jego miejsce je
Niedożijym jo se latoś
Uż ani tej Wilije
Wzpómnioł se na złote czasy
Na Trzebóńskich rybnikach
Ostatni roz chwestym chlasnył
Jarek głowe uż mioł w snach

Stowej pulyr! Zawiyrómy!
Kdo nie umiy, niech nie pije
A zebier se tego kapra
Beztak ón ci uż nie žije...

Tak z wieprzowiny jedli sznycle
Na Wilije i zfukli świyce
Olizały se dwa kocury
Jak wylazły z popielnice